

capiunt ab Turri, quam *Magnam* vocant. pergentes per medium D. Stephani Templum, Plateam D. Ioannis Campestris, portamque Gordianam usque ad Novam, cui olim ab S. Andrea nomen; inde per plateam Amphitheatri, vulgo *des Arenes*, se ad portam Turonensem extendunt, hinc autem, porrecto ambitu versus portam D. Pauli, paullatim Turrim, quam dixi, repetunt. Postea prolatis varie pomœriis ita fuit hæc Urbs amplificata ab Carolo Magno & aliis; ut jam nunc cum maximis & munitissimis Galliarum Civitatibus contendat; formam habens oblongam, amplissimam & spaciosissimam. Munita est octoginta editis crassisque *Turribus*. Inter eas principem tuetur locum quã antea *Magnam* dixi appellatam, vernacule *la Grosse Tour*, ab insolita crassitudine Minoribus undique Turribus Muroque & fossis profundissimis, Philippo 11. Augusto Galliarum Rege circa annum cccxc curante, cincta: Forma est rotunda, magnæ altitudinis. Aliam omnino similem fuisse aiunt, sed dirutam, a binis Turribus *Biturigibus* nomen inditum fabulantes. Et laudat antiqui Grammatici carmen Calamæque

*Turribus a binis, inde vocor Bituris.*

Hæc talia patior aliis persuasa magis, quam mihi. Septemdecim hic sunt *Ecclesia* quas *Collegiatas* vulgo vocant. Septemdecim *Parochias*. Hæc urbs *Archiepiscopali* fulget *Sede*: sua floret *Academia*, cui nulla per totam Galliam par; Doctissimorum Virorum genitrix & Emporium. Viget in ea maxime Iurisprudencia, quam ibi professi sunt professores excellentissimi. Est autem *Avarici*, summum totius Ducatus Tribunal, cui præsidet Monarcha Biturigum, qui vulgo *le Bailly de Berry*. Ad hunc devolvuntur omnes appellationes cum a Prætoribus Urbano, tum ab omnibus finitimorum aliorumque Territorii Bituricensis Locorum Magistratibus. Habet autem Præfectus Bituricensis sub se Metropolim ipsam *Avaricum* & v. Diœceses *Yssoudû, Dun le Roy, Vierzon, Mehun, Concreffant*. Metropolim adiacentur, Comitatus, *Sancerre*, & *S. Aignan*, Baronia *Montfaulcon*: Castellania, fere xl. *Sancerram* quidam arbitrantur dictam ab *Cerere*, quæ ibi culta perhibetur: tanquam *Sacrum* vel *Sacellum Cereris*. Doctiores Latine scribentes huiusmodi Etymologiam averfati *Xantodorum* vocant. Comitatus gaudet titulo, qui an. cccxv permutatus cum *Bellovacensi*. Arcissimam sustinuit Sancerra obsidionem anno ccc lxxiii. famem passam seyam, ut post devoratos avidè Canes, Feles, Equos, Glires, Mures, Talpas, post consumpta, Cornua, Coriã Pergamenas & similia, ne excrementis quidem Carnibusque humanis fuerit parcitum. Parent ipsi Castellania *Sancerres, Beaufen, Chapelle d'Anguillon, le Chastel de Boncard, Jalonges, Tarenay, Verdigny, Menesme, Charentonmay, Brie*, & aliarum *S. Aignan* nomen habet ab *S. Amiano* Episcopo. Baronia *Montfaulcon* Latine sonans *Montem Falconis* complectitur Dominia *Baugy & Gion* item *la Fane, Lyvron, Cony, Villabon, Seury, Marcilly, Mar-nay, Farges, Avor, Saligny, Percigny, Cru, Lassax, Bois boson, Nuisement, Villiers, Compo*. Castellania denique nominantur